

Handwritten text, likely bleed-through from the reverse side of the page. The text is mostly illegible due to fading and bleed-through.

SS-16.74.
R 5718141



n'

Nur hört was mich yetz frewen thüt
so österreych das edel plüt
Sein stam vnd öltern wol erseze
darmit vns gott groß layd ergöze
Hab wir ins Kayfers todt empfangē
ir habt ghört wieß ist zū ach ergangen
Ain Krönter künig ain gwölter Kayser
der Türcken vnd der hayden rayer
Nach anzaygung vil prophecey
ich hoff dan ain Concilij frey
Werd gehalten yetz bey disem künig
got wöll das im vnd vns geling
Das er regier das es gott gefall
vnd wir gehorsamlich auch all
Vom bapst herab vns auff den hirten
gaystlich/weltlich göst vnd wirten
Wurd gmacht ain Reformation
als ich in menger red verston
Ain gürtter anfang yetz in Sachsen
ich main sant Pauls sey wider gwachsen
Die selbig gleret wol redent zung
verwarnt trewlich alt vnd jung
Das sy sich hütten thünt vor schaden
das vns die alten hondt beladen
Das Constantinus was anfang
nun das ich von der lini nit gang
Lateyn vnd teütsch gar mengt sermon
wie es solt in der welt ston
Das pfründ vnd gotz gab gleych wurd tayle
das wol die arm büester hayle
Die nit hand zū geben mit vnd schub
Zū Rom in der haylgen schreyb stub

Da sich dann saulus ist erstanden
der yetz bey vnser statt vnd landen
Ich sorg des enttencrist vorlauffen
das waren geizt och vnd einkauffen
Nimpt gelt vnd will vns hie erschrecken
vnd vns mit dem ban ain sorg einstecken
Will hie bey vns damaschga vinden
ich hoff sein bryeff vnd künst werd blinden
Was got den grossen hat verborgen
das reden yetz die klain mit sorgen
Es solt der gross psaff nackent ston
das brüsterschafft das ir solt hon
Als im anfang der kirchen was
vnd ich vom kayser sygmund las
Ja hettent sy die psryend auß gunst
so mechtent sy vns gen vmb sunst
Darnon dann Christus hat geredt
O rom das hastu für ain gspett
Seyd münich send bapst vnd bischoff worden
so hastu gefreiet mengen orden
Das dunckt mich gütt in meinem syn
dar mit das bettler nit ent rinn
Dan wellicher sunst k ain glimpf nit hat
vnd also iung sych pscheren latt
Dar auß da werdent haylig leyte
wie künd ainr fasten weil man im geyte
K ain franckenbauren glück nit drüft
dem vor hin nicht nit ist gestüfft
Dar vnder vint man mengen man
der ietz das süssen gschwartz vil kan
Glet warhaft zungen kan verlyegen

Ober vnd vnder thon betryegen
Mit rom auff brüß paut mengt gozhaus
als wolt ain danzhaus werden drauß
Das mich gedunckt an wappen schilt
Das an ain pseyffer wolerhült
Ich wond es wer die götlich zyer
So ist es nun der welt hoffyer
Ja christus der hat selber geredt
Wellicher linden klayder het
Der wonet an der fürsten hoff
So tregts iez an mengt grober schroff
Vnd wonent in der simoney
Wer oren hab der her hye bey
Was auß dem glauben werden well
Ich glaub das menger bawren gsell
Sey hayliger dan der im baret
Mengt list den layen wirt vor gset
Darumb so pschlyessent ewren mund
Vnd ewren beytel ertlich stund
Gott schüß die brüsterschafft on zoren
Er hat ir kainen nie beschoren
Das het wir vns wol laun benyegen
So derst man defter mynder fryegen
Doch welcher studieret in ain orden
Als zu wittenberg gehört ist worden
Der haylig gayst wirckt grosse thaten
Die solt man mit leibs noturfft beratten
Derfft in nit geben land vnd leyde
alls dann geschicht in dyser zeyt
Ain münich solt ware armüt zyeren
der adel solt die welt regieren
Das almüßen sond ir recht auß tayllen
Sar mit die glider criste hailen

Vnd bawent disen tempel schon
da gott selb wil sein wouning hon
Dan das ist ye die rede sein
Er well bey vnsern Kinden sein
Ja die vor alter vnd vor iugent
Ir brot nit wol gewinen mugent
Vnd ander gebrech mit warhait clagers
Den selben sol man nicht versagen
Vnd solt sy vor ain bößern phüten
So gat es zu es mecht oft plüten
Es ist nit allweg got dran dōnt
das ainer in ain kloster rōnnt
Vnd singt vnd list in ainem büch
das er dar mit die nahrung süch
Wa mans von gaystlichayt wegen thet
es dō:fft leycht bettens als man seet
Seyt sy den bettel hond angfangen
es wer in etwan so wol gangen
Das sy sich bettels mechten massen
vnd sich an wenig gnyegen lassen
Als in der wüstin die altnäter
ye weng ainer het ye vester beter
Sy hettent nit vil hyenner vnd hōnnen
als man yetz thūt die gmelten kennen
Es het sy noch kain bapst gefreyt
darumb hat sy got hoch gedewrt
Ir merckent wol das ich nit leüig
johannes ist der ding ain zeüig
Das schier nicht ist in diser welt
dann böß begirdt als er dan melde
Groß vntrew vnd mengt besser kauff
ist yetz der welt ain gmainer lauff

Gayfflich vnd weltlich mit beladen
das bringt dem hantwercks man groß schaden
Das er sich desser hörter nött
vnd sych des bettels kaum er wert
Drinckt er in seynem hauß ain wein
man gündt ims nit vnd redt im dreyn
Also thüt man die ainmalt öffen
ich hoff das schwert das werd sy treffen
Das kayser sygmund hat hin gledi
yeg kumpt ainer daruon man sedt
Des anschleg send nit leicht zuwenden
er hat das schwert zu bayden henden
vnd will das schleyffen auff dem stain
Der göttlich rat den ich dann main
der kayser sigmund thät auff wecken
well in mit seynes stöck bedecken
Als sampson mit dem ösel bain
das er den glauben phalter ain
Gönglich vor aller kägerey
von österreych du edels zwey
Du bist für war die morgen röte
der teutsch vnd welschen als man sedt
Mit deyner zwy schier dreysten kron
hülff das all arbeyt iren lon
In allen irung müg entpfachen
welle dann dem aygen nutz verschmachten
Pylatus forcht den kayser hart
das hangt noch mengem in seym bart
Las dichs nit tauen du edels plüt
thü alls ain gerechter richter thüt
Du wayst das geschryfft sagt zu der stund
vnd spricht also der göttlich mund A itz

Sürcht nit den der dir nympt den leyb
ain güet gedechtnis dir nach schreyb
Du schwert der gerechtigt ayt ain rät
thü eben wie der adler thüt
Welches sein jung hat böß gesichte
er phelts nit lang in seiner pflicht
Also thü auch mit lechen leychen
dem frummen adel nichts verzeyhen
Lass sy brauchen jr ritter spyl
verzeycht mir ob ich red zü vil
Mit stechen dängen vnd turnyeren
vnd etlich durch den Enittel syeren
Saruo: die höroldt müssen schweygen
dan nymant dar die warhait gaygen
Darumb dein ölttern hond gestryten
vnd was sy sich dan hond erlüitten
Sarff ich dein küniglich gnad nit nennen
vnergessen thü sy kennen
Ob ainer zü dir kām in schrancken
lass im nach seym verdienen danken
Sein schüldt vnd wappen anderst ferben
Das Keychs adler von new außgerben
das sich gotz schwyer vnd ranbercy
Im haylgen Keych nit wolfayl sey
des gleych wa man zü trincker vnde
Das ist ain mütter aller sünde
mannschlacht vnd menge myssetas
Dar durch abnemung auff erstat
das menger wirt dem vych geleych
Es kumpt nit wol dem halgen reych
wa seyne glyder werden schwach
Der ding dein küniglich gnad nit lach

Wa dir das sūrgewāet wurd
dān es ist sayder christus burd
Solliche sach kaum also gmain
es solt als leycht ainr tragen stain
Als das er dunck on durst vnd lust
die welt hat yetz ain sollichen rust
Als sam es auch ain handt werck sey
darumb du edler künig frey
Wilt du dein feynden recht ab kōren
so thū sollichen sachen wōren
Dein gnad verschmech nit mein gedichte
mit den zū dunckern schaffstu nicht
Es bringtvntēisch hochmüt vnd schwär
mengt redlich man dem macht es ier
Nabuchodonasser bewäre
des gelaich wirt von dem lott gehert
Wān dān die sach gebössert wur
die sun stünd dir auch still drey vr
Als Josue in seinem streytc
dar mit der zellet seine leytc
Das gwan er auch gar lūgel gunst
was mit er schlagen ward starb sunst
Das thū du nit laß got an richten
der Bibel büch die alten gschichten
Dar ab dein jugent nām exempel
hab lieb dein volck als gottes tempel
So hilfft dir gott mit seiner krafft
als beemundis brüderschafft
Vor zeytten gschachen erlich schlach
mit klainem volck die grossen mache
Gedion ain richter weyt erkent

In etlich sprach ain Herzog gñent
Hatt mit dreyhundert man erschlagen
ain grosses hör als gschryfften sagen
Hundert/vnd xx tausent man
ain k̄ing von oryent gethan
Im büch der richter v̄ndt man das
das acht capitel sich fürbas
Nun bitt ich dich du fr̄umen gmayn
laß dich vergnügen aller ain
In disem zeyt deins aygen herren
so will dir gott gelüch hie meren
Getreuer dienst v̄nd gehorsamkeit
spert auff den hymel vnuerzayt
Sarumb Karol du edler k̄ing
laß dir dein herg zū vns sein ring
Alls vns zū dir auff güet vertrauen
teütsch land thüt genzlich auff dich bawen
So nun dir gmain dann gehorsam ist
du darffst nit sorgen arger lüst
Weder von alten noch von jungen
traw nicht zū vil der schmaychler zungen
So würt frau eer dan deinen fan
auff richten teütscher natian
Dar zū helff dir die götlich krafft
sant jörg mit seiner ritterschafft
Das du der gmain helffest auß not
wittwen v̄nd waysen auch jr brot
Reichest wie sant Oswalds hend
das ich mit meiner red zū lend
Wünsch ich dir hailigen gaystes rat
Erasmus amman gesprochen hat
Zū Augspurg. Im jar M D XXI.



